



周禮白文



春

夏

共三本

服部文庫
117
179
2



117
179
2

周禮白文目錄

春官

鐘師	笙師	搏師	鞀師	旒人
小師	鼓矇	眠瞭	典同	磬師
大司樂	樂師	大胥	小胥	大師
內宗	外宗	冢人	墓大夫	職喪
典命	司服	典祀	守祧	世婦
雞人	司尊彝	司几筵	天府	典瑞
大宗伯	小宗伯	肆師	鬻人	皂人

齋師 鞮鞻氏 典庸器 司干 大卜
 卜師 卜人 龜人 菑氏 占人
 箬人 占夢 眠祲 大祝 小祝
 喪祝 甸祝 詛祝 司巫 男巫
 女巫 大史 小史 馮相氏 保章氏
 內史 外史 御史 中車 典路
 車僕 司常 都宗人 家宗人



周禮
 春官 宗伯
 惟王建國 辨方正位 體國經野 設官分職
 以為民極 乃立春官 宗伯使帥其屬而掌
 邦禮 以佐王 和邦國
 大宗伯之職 掌建邦之天神人鬼地示之
 禮 以佐王建保邦國 以吉禮事邦國之鬼
 神 示以禋祀 祀昊天上帝 以實柴祀日月

星辰以禋燎祀司中司命飢師兩師以血
祭祭社稷五祀五嶽以貍沈祭山林川澤
以醕辜祭四方百物以肆獻裸享先王以
饋食享先王以祀春享先王以禘夏享先
王以嘗秋享先王以蒸冬享先王
以凶禮哀邦國之憂以喪禮哀死亡以荒
禮哀凶札以弔禮哀禍哉以禭禮哀圍敗
以恤禮哀寇亂

以賁禮親邦國春見曰朝夏見曰宗秋見
曰覲冬見曰遇時見曰會殷見曰同時聘
曰問殷類曰視
以軍禮同邦國大師之禮用衆也大均之
禮恤衆也大由之禮簡衆也大役之禮任
衆也大封之禮合衆也
以嘉禮親萬民以飲食之禮親宗族兄弟
以昏冠之禮親成男女以賓射之禮親故

舊朋友以饗燕之禮親四方之賓客以賑
膳之禮親兄弟之國以賀慶之禮親異姓
之國

以九儀之命正邦國之位一命受職再命
受服三命受位四命受器五命賜則六命
賜官七命賜國八命作牧九命作伯
以玉作六瑞以等邦國王執鎮圭公執桓
圭侯執信圭伯執躬圭子執穀璧男執蒲

璧

以禽作六摯以等諸臣孤執皮帛卿執羔
大夫執鴈士執雉庶人執鷩工商執雞
以玉作六器以禮天地四方以蒼璧禮天
以黃琮禮地以青圭禮東方以赤璋禮南
方以白琥禮西方以玄璜禮北方皆有牲
幣各放其器之色
以天產作陰德以中禮防之以地產作陽

德以和樂防之以禮樂合天地之化百物
之產以事鬼神以諧萬民以致百物
凡祀大神享大火鬼祭大示帥執事而卜日
宿眠滌濯蒞王堯者牲饌奉玉盥詔大號
治其大禮詔相王之禮若王不與祭祀
則攝位凡大祭祀王后不與則攝而薦豆
籩徹大賓客攝而載果朝覲會同則為上
相大喪亦如之王哭諸侯亦如之王命諸

侯則饋國有大故則旅上帝及四望王大
封則先告后土乃頒祀于邦國都家鄉邑
小宗伯之職掌建國之神位右社稷左宗
廟北五帝於四郊四望四類亦如之北山
川丘陵墳衍各因其方掌五禮之禁令與
其等用辨廟祧之昭穆辨吉凶之五服車
旗宮室之禁掌三族之別以辨親疎其正
室皆謂之門子掌其政令毛六牲辨其名

物而頒之于五官使共奉之辨六盞之名
物與其用使六官之人共奉之辨六彝之
名物以待果將辨六尊之名物以待祭祀
賓客掌衣服車器官室之賞賜掌四時祭
祀之叙事與其禮若國大貞則奉玉帛以
詔號大祭祀者牲牷滌濯祭之日逆盥省
鑊告時于王告備于王凡祭祀賓客以時
將瓚果詔相祭祀之小禮凡大禮佐大宗

伯賜卿大夫士爵則儻小祭祀掌事如大
宗伯之禮大賓客受其將幣之齎
若大師則帥有司而立軍社奉主車若軍
將有事則與祭有司將事于四望若大甸
則帥有司而饁獸於郊遂領禽大裁及執
事禱祠于上下神示王崩大肆以柩免
及執事涖大飲小飲帥異族而佐縣棄冠
之式于路門之外及執事眠葬獻器遂哭

之卜葬兆南窀亦如之既葬詔相喪祭之
禮成葬而祭墓為位凡王之會同軍旅甸
役之禱祠肆儀為位國有禍裁則亦如之
凡天地之大裁類社稷宗廟則為位凡國
之大禮佐大宗伯凡小禮掌事如大宗伯
之儀
肆師之職掌立國祀之禮以佐大宗伯立
大祀用玉帛牲牲立次祀用牲幣立小祀

用牲以歲時存其祭祀及其祈珥大祭祀
展犧牲繫于牢頒于職人凡祭祀之卜日
宿為期詔相其禮祗滌濯亦如之祭之日
表盥盥告潔展器陳告備及裸築鬻相治
小禮誅其慢怠者掌兆中廟中之禁令凡
祭祀禮成則告事畢大賓客蒞筵凡築鬻
贊裸將大朝覲佐備共設匪壘之禮饗食
授祭與祝候禳于壘及郊大喪大瀕以鬯

則築礮ニ令外内命婦序哭禁外内命男女
之棄不中法者且授之杖
凡師田用牲于社宗則為位類造其帝封
于大神祭兵于山川亦如之凡師不功則
助ケ主車凡四時之大甸獵祭表貉則為
位テ嘗之日涖テ來歲之芟ニ彌之日涖テ來
歲之戒社之日涖テ來歲之稼ニ若國有大
故則令國人祭歲時之祭祀亦如之凡婦

大夫之喪相其禮凡國之大事治其禮儀
以佐宗伯凡國之小事治其禮儀而掌其
事如宗伯之禮
鬻人掌裸器凡祭祀賓客之裸事和鬻鬯
以實彝而陳之凡裸玉濯之陳之以贊裸
事詔裸將之儀與其節凡裸事沃盥大喪
之澣共其肆器及葬共其裸器遂貍之大
祭祀與量人受鬯ケテ而飲之

毫人掌其相毫而飾之凡祭祀社壇用大
ライラニシニ 罍祭門用瓢セイヤ 盥廟用俎ユツラ 凡山川四方用蜃
カイヤ 凡裸事用概ノヒツ 凡鬻事用散大喪之凡海設
ニユラ 斗共其饗ニキ 毫凡王之齊事共其相毫凡王
 弔臨共介毫
ニテ 雞人掌其雞牲辨其物大祭祀夜嘒旦以
サケフ 詔百官凡國之大賓客會同軍旅喪紀亦
ニカス 如之凡國事為期則告之時凡祭祀而禳
ナスチハ

饗共其雞牲
 司尊彝掌六尊六彝之位詔其酌辨其用
トシ 與其實春祠夏禴裸用雞彝鳥彝皆有舟
サニハ 其朝踐用兩獻尊其再獻用兩象尊皆有
モク 罍諸臣之所昨也秋嘗冬烝裸用罍彝黃
ナリムクニ 彝皆有舟其朝獻用兩著尊其饋獻用兩
ナリムクニ 壺尊皆有罍諸臣之所昨也凡四時之間
ナリムクニ 祀追享朝享裸用虎彝ナリムクニ 雖彝皆有舟其朝

踐用兩大尊其再獻用兩山尊皆有罍諸
臣之所昨也凡六彝六尊之酌鬱齊獻酌
醴齊縮酌盎齊洗酌凡酒脩酌大喪存奠
奠大旅亦如之
司凡筵掌五凡五席之名物辨其用與其
位凡大朝覲大饗射凡封國命諸侯王位
設黼依依前南鄉設莞筵紛純加縹席畫
純加次席黼純左右玉几祀先王昨席亦

如之諸侯祭祀席蒲筵纒純加莞席紛純
右厭几昨席莞筵紛純加縹席畫純筵國
賓于牖前亦如之左彤几甸役則設熊席
右漆几凡喪事設葦席右素几其栢席用
萑蒲純諸侯則紛純每敦一几凡吉事變
几凶事仍几
天府掌祖廟之宇藏與其禁令凡國之王
鎮大寶器藏焉若有大祭大喪則出而陳

之既事藏之凡官府鄉州及都鄙之治中
 受而藏之以詔王察羣吏之治上春豐
 鎮及寶器凡吉凶之事祖廟之中泂盥幸
 燭季冬陳玉以貞來歲之媿惠若遷寶則
 奉之若祭天之司民司祿而獻民數穀數
 則受而藏之

典瑞掌玉瑞玉器之藏辨其名物與其用
 事設其服飾王晉大圭執鎮圭繅藉五采

五就以朝日公執桓圭侯執信圭伯執躬
 圭繅皆三采三就子執穀璧男執蒲璧繅
 皆二采再就以朝覲宗遇會同于王諸侯
 相見亦如之塚圭璋璧琮繅皆二采一就
 以類聘四圭有邸以祀天旅上帝兩圭有
 邸以祀地旅四望裸圭有瓚以肆花玉以
 裸賓客圭璧以祀日月星辰璋邸射以祀
 山川以造贈賓客

土圭以致四時日月封國則以土地珍圭
 以徵守以恤凶荒牙璋以起軍旅以治兵
 守璧羨以起度駟圭璋璧琮琥璜之渠眉
 疏璧琮以斂尸穀圭以和難以聘女琬圭
 以治德以結好琰圭以易行以除惡大祭
 祀大旅凡賓客之事共其玉器而奉之大
 喪共斂玉舍玉贈玉凡玉器出則共奉之
 典命掌諸侯之五儀諸臣之五等之命上

公九命為伯其國家官室車旗衣服禮儀
 皆以九為節侯伯七命其國家官室車旗
 衣服禮儀皆以七為節子男五命其國家
 官室車旗衣服禮儀皆以五為節王之三
 公八命其卿六命其大夫四命及其出封
 皆加一等其國家官室車旗衣服禮儀亦
 如之凡諸侯之適子誓於天子攝其君則
 下其君之禮一等未誓則以皮帛繼子男

公之孤四命以皮帛。眡小國之君其卿三命。其大夫再命。其士一命。其宮室車旗衣服禮儀各眡其命之數。侯伯之卿大夫士亦如之。子男之卿再命。其大夫一命。其士不命。其宮室車旗衣服禮儀各眡其命之數。司服掌王之吉凶衣服辨其各物與其用。事王之吉服祀昊天上帝則服大裘而冕。

祀五帝亦如之。享先王則衮冕。享先公享射則鷩冕。祀四望山川則毳冕。祭社稷五祀則希冕。祭羣小祀則玄冕。凡兵事韋弁。服眡朝則皮弁。服凡甸冠弁服。凡凶事服弁服。凡吊事弁經服。凡喪為天王斬衰為王后齊衰。王為三公六卿錫衰為諸侯緦衰為大夫士。疑衰其首服皆弁經。大札大荒大戕素服。公之服

自袞冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大功小功士之服自皮弁而下如大夫之服其凶服亦如之其齊服有玄端素端凡大祭祀大賓客共其衣服而奉之大喪共其復衣服歛衣服奠衣服歛衣

居禮

九十七

服皆掌其陳存典祀掌外祀之兆守皆有域掌其禁令若以時祭祀則帥其屬而脩除徵役於司隸而後之及祭帥其屬而守其屬禁而蹕之守祧掌守先王先公之廟祧其遺衣服藏焉若將祭祀則各以其服授尸其廟則有司脩除之其祧則有司黜聖之既祭則藏其階與其服

司豐

九十六

世婦掌女官之宿戒及祭祀比其具詔于
后之禮事帥六官之人共齎盛相外内宗
之禮事大賓客之饗食亦如之木栗比外
内命婦之朝莫哭不敬者而苛罰之凡王
后有揆事於婦人則詔相凡内事有達於
外官者世婦掌之
内宗掌宗廟之祭祀薦加豆籩及以樂徹
則佐傳籩豆賓客之享食亦如之王后有

事則從大喪叙哭者哭諸侯亦如之凡卿
大夫之喪掌其弔臨
外宗掌宗廟之祭祀佐王后薦玉豆
籩及以樂徹亦如之王后以樂羞齎則贊
凡王后之獻亦如之王后不與則贊宗伯
小祭祀掌事賓客之事亦如之大喪則叙
外内朝莫哭者哭諸侯亦如之
冢人掌公墓之地辨其兆域而為之圖先

王之葬居中以昭穆為左右凡諸侯居左
右以前卿大夫士居後各以其族凡死於
兵者不入兆域凡有功者居前以爵等為
封丘之度與其樹數大喪既有日請度甫
窆遂為之尸及窆以度為丘隧共喪之空
器及葬言馮車象人及窆執斧以泣遂入
藏凶器正墓位蹕墓域守墓禁凡祭墓為
戶諸侯及諸臣葬於墓者授之兆為之蹕

均其禁
墓大夫掌凡邦墓之地域為之圖令國民
族葬而掌其禁令正其位掌其度數使皆
有私地域凡爭墓地者聽其獄訟帥其屬
而處墓厲居其中之室以守之
職喪掌諸侯之喪及卿大夫士凡有爵者
之喪以國之喪禮泣其禁令序其事凡國
有司以王命有事焉則詔贊主人凡其喪

祭詔其號治其禮凡公有司之所共職喪
念之趣其事ウキキ

大司樂掌成均之法以治建國之學政而
合國之子弟焉凡有道者有德者使教焉
死則以為樂祖祭於瞽宗以樂德教國子
中和祗庸孝友以樂語教國子興道諷誦
言語以樂舞教國子舞雲門大卷大咸大
磬大夏大濩大武以六律六同五聲八音

六舞大合樂以致鬼神示以和邦國以諧
萬民以安賓客以說遠人以作動物之合
樂而序之以祭以享以祀乃奏黃鍾歌大
呂舞雲門以祀天神乃奏大簇歌應鍾舞
咸池以祭地示乃奏姑洗歌南呂舞大
以祀四望乃奏蕤賓歌函鍾舞大夏以祭
山川乃奏夷則歌小呂舞大濩以享先妣
乃奏無射歌夾鍾舞大武以享先祖凡六

樂者文之以五聲播之以八音九六樂者
一變而致羽物及川澤之示再變而致羸
物及山林之示三變而致鱗物及丘陵之
示四變而致毛物及墳衍之示五變而致
介物及土示六變而致象物及天神九樂
圓鍾為宮黃鍾為角大蕤為徵姑洗為羽
靈鼓靈鼗孤竹之管雲和之琴瑟雲門之
舞冬日至於地上之圜丘奏之若樂六變

則天神皆降可得而禮矣九樂函鍾為宮
大蕤為角姑洗為徵南呂為羽靈鼓靈鼗
孤竹之管空桑之琴瑟咸池之舞夏日至
於澤中之方丘奏之若樂八變則地示皆
出可得而禮矣九樂黃鍾為宮大呂為角
大蕤為徵夷鍾為羽路鼓路鼗陰竹之管
龍門之琴瑟九德之歌九磬之舞於宗廟
之中奏之若樂九變則人鬼可得而禮矣

凡樂事大祭祀宿縣遂以聲展之王出入
則令奏三夏^{フカヒ}出入則令奏肆^シ夏牲出入
則令奏^シ夏帥國字而舞大饗不入牲其
他皆如祭祀大射王出入令奏王夏及射
令奏騶虞^{コウコ}詔諸侯以弓矢舞王太食三侑
皆令奏鍾鼓王師大獻則令奏禮樂九日
月食四鎮五嶽崩大傀異^キ裁諸侯薨令去
樂大札大凶大裁大臣死九國之大憂令

地縣凡建國禁其淫聲過聲凶聲慢聲大
喪^シ泣^シ歔^シ樂器及葬藏樂器亦如之
樂師掌國學之政以教國子小舞九舞有
佾舞有羽舞有皇舞有旄舞有干舞有
舞教樂儀行以肆夏趨以采齊車亦如之
環拜以鐘鼓為節凡射王以騶虞為節諸
侯以狸首為節大夫以采蘋為節士以采
芣為節

凡樂掌其序事治其樂政凡國之小事用樂者令奏鐘鼓凡樂成則告備詔來瞽臯舞及徹帥學士而歌徹令相饗食諸侯序其樂事令奏鐘鼓令相如祭之儀燕射帥射夫以弓矢舞樂出入令奏鐘鼓凡軍大獻教愷歌遂倡之凡喪陳樂器則帥樂官及序史亦如之凡樂官掌其政令聽其治訟

大胥掌學士之版以待致諸字春入學舍采合舞秋頒學合聲以六樂之會正舞位以序出入舞者比樂官展樂器凡祭祀之用樂者以鼓徵學士序官中之事小胥掌學士之徵令而比之饒其不敬者巡舞列而撻其怠慢者正樂縣之位王官縣諸侯軒縣卿大夫判縣士特縣辨其声凡縣鐘磬半為堵全為肆

大師掌六律六同以合陰陽之聲陽聲黃
鍾大族姑洗蕤賓夷則無射陰聲大呂應
鍾南呂函鍾小呂夾鍾皆文之以五声官
商角徵羽皆播之以八音金石土革絲木
匏竹教六詩曰風曰賦曰比曰興曰雅曰
頌以六德為之本以六律為之音大祭祀
帥瞽登歌令奏擊拊下管播樂器令奏鼓
鞀大饗亦如之大射帥瞽而歌射節大師

執同律以聽軍聲而詔吉凶大喪帥瞽而
奏作匱謚九國之瞽朦正焉
小師掌教鼓鼗祝敔塤簫管絃歌大祭祀
登歌擊拊下管擊應鼓徹歌大饗亦如之
大喪與窆凡小祭祀小樂事鼓虡掌六樂
聲音之節與其和
瞽朦掌播鼗祝敔塤簫管絃歌諷誦詩世
奠繫鼓琴瑟掌九德六詩之歌以役大師

北

聒^レ瞭^レ掌^レ凡^レ樂事^ニ播^レ鼗^ヲ擊^ツ頌^レ磬^ヲ笙^ヲ磬^ヲ掌^レ大師^ノ
 之^レ縣^ヲ凡^レ樂事^ニ相^レ瞽^ヲ大^ニ喪^ニ盞^ヲ樂器^ヲ大^ニ旅^ニ亦^レ如^ク
 之^レ賓^ニ射^ニ皆^テ奏^ス其^ノ鐘^ヲ鼓^ヲ鼗^ヲ愷^ヲ獻^ス亦^レ如^ク
 典^ニ同^ニ掌^レ六^ノ律^六同^ノ之^レ和^ヲ以^テ辨^レ天^ノ地^ノ四^ノ方^ノ陰^ノ
 陽^ノ之^レ聲^ヲ以^テ為^ス樂器^ノ凡^レ聲^ノ高^ニ聲^ノ視^レ正^ノ聲^ノ緩^ニ下^ニ
 聲^ノ肆^ニ波^ニ聲^ノ散^ニ險^ニ聲^ノ歛^ニ達^ニ聲^ノ贏^ニ微^ニ聲^ノ歸^ニ回^ニ聲^ノ
 衍^ニ侈^ニ聲^ノ柞^ニ弁^ニ聲^ノ鼗^ニ薄^ニ聲^ノ甄^ニ厚^ニ聲^ノ石^ノ凡^レ為^ス樂
 器^ヲ以^テ十^ニ有^二律^ヲ為^ス之^レ數^度以^テ十^ニ有^二聲^ヲ為^ス

之^レ齊^ニ量^ヲ凡^レ和^ス樂^ノ亦^レ如^ク之^レ
 磬^ノ師^ノ掌^レ教^レ擊^ツ磬^ヲ擊^ツ編^ヲ鐘^ヲ教^レ縵^ス樂^ノ燕^ス樂^ノ之^レ鐘^ノ
 磬^ノ凡^レ祭^ニ祀^ニ奏^ス縵^ス樂^ヲ
 鐘^ノ師^ノ掌^レ金^ヲ奏^ス凡^レ樂事^ニ以^テ鐘^ヲ鼓^ヲ奏^ス凡^レ夏^ノ王^ノ夏^ノ
 肆^ノ夏^ノ昭^ノ夏^ノ納^ノ夏^ノ章^ノ夏^ノ齊^ノ夏^ノ族^ノ夏^ノ祴^ノ夏^ノ鷲^ノ夏^ノ
 凡^レ祭^ニ祀^ニ饗^ニ食^ニ奏^ス燕^ス樂^ヲ凡^レ射^ニ王^ノ奏^ス騶^ノ虞^ノ諸^ノ侯^ノ
 奏^ス狸^ノ首^ノ卿^ノ大^ノ夫^ノ奏^ス采^ノ蘋^ノ士^ノ奏^ス采^ノ蘋^ノ掌^レ鞀^ヲ鞀^ヲ鼓^ヲ
 縵^ス樂^ヲ

周禮

百六

笙師掌教飲竽笙塤箏篳篥篳篥管春犢
雅以教祓樂凡祭祀饗射共其鐘笙之樂
燕樂亦如之大喪窆其樂器及葬奉而藏
之大旅則陳之
罍師掌金奏之鼓凡祭祀鼓其金奏之樂
饗食賓射亦如之軍大獻則鼓其愷樂凡
軍之夜三鼙皆鼓之守鼙亦如之大喪窆
其樂器奉而藏之

鞀師掌教鞀樂祭祀則帥其屬而舞之大
饗亦如之
旄人掌教舞散樂舞夷樂凡四方之以舞
仕者屬焉凡祭祀賓客舞其燕樂
籥師掌教國子舞羽飲籥祭祀則鼓羽籥
之舞賓客饗食則亦如之大喪窆其樂器
奉而藏之
籥章掌土鼓鼗籥中春晝擊土鼓飲籥詩

以逆暑中秋夜迎寒亦如之九國祈年于
田祖歛豸雅擊土鼓以樂田畷國祭蜡則
歛豸頌擊土鼓以息老物
鞞鞞氏掌四夷之樂與其聲歌祭祀則歛
而歌之燕亦如之
典庸器掌藏樂器庸器及祭祀帥其屬而
設簠簋陳庸器饗食賓射亦如之大喪
筭簠

司千掌舞器祭祀舞者既陳則授舞器既
舞則受之賓饗亦如之大喪歛舞器及葬
奉而藏之
大卜掌三兆之法一曰玉兆二曰瓦兆三
曰原兆其經兆之體皆百有二十其頌皆
千有二百掌三易之法一曰連山二曰歸
藏三曰周易其經卦皆八其別皆六十有
四掌三夢之法一曰致夢二曰觴夢三曰

咸陟其經運十其別九十
以邦事作龜之八命一曰征二曰象三曰
與四曰謀五曰果六曰至七曰雨八曰瘳
以八命者贊三兆三易三蓍之占以觀國
家之吉凶以詔救政凡國大貞卜立君卜
大封則眡高作龜大祭祀則眡高命龜凡
小事位卜國大遷大師則貞龜凡旅陳龜
凡喪事命龜

卜師掌開龜之四兆一曰方兆二曰功兆
三曰義兆四曰弓兆凡卜事眡高揚火以
作龜致其墨凡卜辨龜之上卜左右陰陽
以授命龜者而詔相之
龜人掌六龜之屬各有名物天龜曰靈龜
地龜曰繹屬東龜曰果屬西龜曰雷屬南
龜曰獵屬北龜曰若屬各以其方之色
其體辨之凡取龜用秋時攻龜用春時各

以其物入于龜室上春釁龜祭祀先卜若
有祭事則奉龜以往旅亦如之喪亦如之
董氏掌共燹契以待卜事凡卜以明火
燹遂餉其燹契以授卜師遂役之
占人掌三龜以辨九筮之名一曰巫更二
之八故以祗吉凶凡卜筮君占體大夫占
色史占墨士人占坻凡卜筮既事則繫幣
以此其命歲終則計其占之中否

筮人掌三易以辨九筮之名一曰連山二
曰歸藏三曰周易九筮之名一曰巫更二
曰巫咸三曰巫式四曰巫目五曰巫易六
曰巫比七曰巫祠八曰巫參九曰巫環以
辨吉凶凡國之大事先筮而後卜上春相
筮凡國事共筮
占夢掌其歲時觀天地之會辨陰陽之氣
以日月星辰占六夢之吉凶一曰正夢二

曰噩夢三日思夢四曰寤夢五曰喜夢六
曰懼夢季冬聘王夢獻吉夢于王王拜而
受之乃舍萌于四方以贈惡夢遂令始奠
毆疫
眠復掌十輝之法以觀妖祥辨吉凶一曰
禋二曰象三曰鑄四曰監五曰閤六曰瞞
七曰彌八曰叙九曰濟十曰想掌安宅叙
降正歲則行事歲終則弊其事

大祝掌六祝之辭以事鬼神示祈福祥求
永貞一曰順祝二曰年祝三曰吉祝四曰
化祝五曰瑞祝六曰筴祝掌六祈以同鬼
神示一曰類二曰造三曰禴四曰禘五曰
攻六曰說作六辭以通上下親疎遠近一
曰祠二曰命三曰誥四曰會五曰禱六曰
誅辨六號一曰神號二曰鬼號三曰示號
四曰牲號五曰齋號六曰幣號辨九祭一

曰命祭二曰術祭三曰炮祭四曰周祭五
曰振祭六曰擩祭七曰絕祭八曰繚祭九
曰共祭辨九摻一曰替首二曰頓首三曰
空首四曰振動五曰吉摻六曰凶摻七曰
奇摻八曰褒摻九曰肅摻以享右祭祀凡
大禋祀肆享祭示則執明水火而號祝隋
釁逆牲逆尸令鐘鼓右亦如之來替令息
舞相尸禮既祭令徹大喪始崩以肆鬯酒

尸相飲贊飲徹奠言甸人讀禱付練祥掌
國事國有大故天裁彌祀社稷禱祠大師
宜于社造于祖設軍社類上帝國將有事
于四望及軍歸獻于社則前祝大會同造
于廟宜于社過大山川則用事焉及行舍
奠建邦國先告后土用牲幣祭督逆祀命
者頒祭號於邦國都鄙
小祝掌小祭祀將事候禳禱祠之祝號以

祈福祥順豐年逆時雨寧風旱彌裁兵遠
鼻疾大祭祀逆齋盛送逆尸沃尸盥贊齋
贊徹贊奠凡事佐大祝大喪贊彌設熬置
銘及葬設道齋之奠分禱五祀大師掌饗
祈號祝有寇戎之事則保郊祀于社凡外
內小祭祀小喪紀小會同小軍旅掌事焉
喪祝掌大喪勸防之事及辟令啟及朝御
匱乃奠及祖飾棺乃載遂御及葬御匱出

官乃代及壙說載除飾小喪亦如之掌喪
祭號祝王弔則與巫前掌勝國邑之社稷
之祝號以祭祀禱祠焉凡鄉大夫之喪掌
事而斂飾棺焉
甸祝掌四時之田表貉之祝號舍奠于祖
廟禩亦如之師田致禽于虞中乃屬禽及
郊饋獸舍奠于祖廟乃斂禽禩牲禩馬皆
掌其祝號

詛祝掌盟詛類造攻說禴祭之祝號作盟
詛之載辭以叙國之信用以質邦國之劑
信

司巫掌羣巫之政令若國大旱則帥巫而

舞雩國有大災則帥巫而造巫恒祭祀則

共置主及道布及菹館凡祭祀守瘞凡喪

事掌巫降之禮

男巫掌望祀望銜授號旁招以茅冬堂

無方無算春招殛以除疾病王平則與祝

前

女巫掌歲時祓除釁浴早暎則舞雩若王

后弔則與祝前凡邦之大裁則歌哭而請

大史掌建邦之六典以逆邦國之治掌法

以逆官府之治掌則以逆都鄙之治凡辨

法者教焉不信者刑之凡邦國都鄙及萬

民之有約劑者藏焉以貳六官六官之所

登若約劑亂則辟法不信者刑之
 正歲年以序事頒之于官府及都鄙頒告
 朔于邦國閏月詔王居門終月
 大祭祀與執事上日戒及宿之日與羣執
 事讀禮書而協事祭之日執書以次位常
 辨事者致焉不信者誅之大會同朝覲以
 書協禮事及祚幣之日執書以詔王大師
 拒天時與大史同車大遷國抱法以前大

喪執法以泣勸防遺之日讀誅凡喪事致
 焉小喪賜謚凡射事飾中舍筭執其禮事
 小史掌邦國之志奠繫世辨昭穆若有事
 則詔王之忌諱大祭祀讀禮法以戒史以
 書叙昭穆之俎簋大喪大賓客大會同大
 軍旅佐大史凡國事之用禮法者掌其小
 事卿大夫之喪賜謚讀誅
 馮相氏掌十有二歲十有二月十有二辰

十日二十有八星之位辨其叙事以會天
位冬夏致百春秋致月以辨四時之叙
保章氏掌天星以志星辰日月之變動以
觀天卞之遷辨其吉凶以星土辨九州之
地所封封域皆有分星以觀妖祥以十有
二歲之相觀天卞之妖祥以五雲之物辨
吉凶水旱降豐荒之祲象以十有二風察
天地之和命乖別之妖祥凡此五物者以

詔救政訪序事
內史掌王之八枋之法以詔王治一曰爵
二曰祿三曰廢四曰置五曰殺六曰生七
曰予八曰奪執國法及國令之貳以攷政
事以逆會計掌叙事之法受納訪以詔王
聽治凡命諸侯及孤卿大夫則策命之凡
四方之事書內史讀之王制祿則贊為之
以方出之賞賜亦如之內史掌書王命遂

貳之
 外史掌書外令掌四方之志掌三皇五帝
 之書掌達書名于四方若以書使于四方
 則書其令
 御史掌邦國都鄙及萬民之治令以贊冢
 宰凡治者受法令焉掌贊書凡數從政者
 中車掌公車之政令辨其用與其旗物而
 等叙之以治其出入王之五路一曰玉路

錫樊纓十有再就建大常十有二旂以祀
 二曰金路鈎樊纓九就建大旂以賓同姓
 以封三曰象路朱樊纓七就建大赤以朝
 異姓以封四曰革路龍勒條纓五就建大
 白以即戎以封四衛五曰木路前樊鵠纓
 建大麾以田以封蕃國王后之五路重翟
 錫面朱總厭翟勒面績總安車厭面鷩總
 皆有容蓋翟車貝面組總有握輦車組輓

皆カサリ有カサリ容カサリ蓋カサリ翟カサリ車カサリ貝カサリ面カサリ組カサリ總カサリ有カサリ握カサリ輦カサリ車カサリ組カサリ輓カサリ

皆カサリ有カサリ容カサリ蓋カサリ翟カサリ車カサリ貝カサリ面カサリ組カサリ總カサリ有カサリ握カサリ輦カサリ車カサリ組カサリ輓カサリ

有^リ翬^{ハチノキ}羽^ノ蓋^{カサ}

周禮

王之喪車五乘木車蒲蔽犬禭尾縶疏飾

小服皆疏素車焚蔽犬禭素飾小服皆素

藻車藻蔽鹿淺禭革飾駟車韋蔽然禭

飾漆車藩蔽豸禭韋飾服車五乘孤乘夏

篆卿乘夏纁大夫乘墨車士乘棧車庶人

乘役車凡良車散車不在等者其用無常

凡車之出入歲終則會之凡賜闕之毀折

入^ル齋^ノ于^テ職幣大喪飾遣車遂^ニ蓋^ノ之^レ行^ニ之^レ及^テ

葬^ニ執^シ蓋^ヲ從^テ車^ヲ持^ツ旌^ヲ及^テ墓^ニ嘽^ク啓^ク關^ヲ陳^ス車^ヲ小喪

共^ニ其^ノ匱^ヲ路^ト與^テ其^ノ飾^ヲ歲^ニ時^ニ更^ニ續^テ共^ニ其^ノ幣^ヲ車^ヲ太

祭祀鳴^ク鈴^ヲ以^テ應^テ雞^ノ人^ノ

典路掌^テ王^ノ及^テ后^ノ之^レ五^ノ路^ヲ辨^ツ其^ノ名^ヲ物^ト與^テ其^ノ用^ヲ

說^ハ若^シ有^ル大^ノ祭祀^ニ出^ル路^ヲ贊^テ駕^ヲ說^ハ太^ノ喪^ニ大^ノ賓

客^ニ亦^シ如^ク之^レ凡^ソ會^ニ同^ノ軍^ヲ旅^ヲ弔^ス于^テ四^ノ方^ニ以^テ路^ヲ從^テ

車^ヲ僕^ヲ掌^テ戎^ノ車^ノ之^レ萃^ヲ廣^ノ車^ノ之^レ萃^ヲ闕^ノ車^ノ之^レ萃^ヲ萃^ヲ

司禮

百六

車之萃輕車之萃凡師共革車各以其萃
會周亦如之大喪歛革車大射共三之
司常掌九旗之物各各有屬以待國事日
月為常交龍為旂通帛為旌雜帛為物熊
虎為旗鳥隼為旟龜蛇為旐全羽為旒折
羽為旖及國之大閱贊司馬頒旗物王建
大常諸侯建旂孤卿建旌大夫士建物師
都建旗外里建旗縣鄙建旒道車載旒旒

車載旒皆畫其象焉官府各就其事外里
各象其名家各象其號凡祭祀各建其旗
會同賓客亦如之置旌門大喪共銘旌建
歛車之旌及葬亦如之凡軍事建旌旗及
致民置旌弊之甸亦如之凡射共獲旌歲
時共更旌
都宗人掌都祭祀之禮凡都祭祀禮凡都
祭祀致福于國正其禮與其服若有寇戎

之事則保羣神之壇國有_其故則令禱祠
既祭及命于國
家宗人掌家祭祀之禮凡祭祀致福國有_其
大故則令禱祠及命祭亦如之掌家禮與_{トシ}
其衣服官室車旗之禁令
凡以神仕者掌三辰之法以_{ハカ}猶鬼神示之
居辨其名物以_テ冬至致天神人鬼以_テ夏
日至致地示物鬼以_テ禴國之凶荒民之札

喪

周禮春官終

周禮

百二十一

周禮白文目錄
夏官
大司馬 小司馬 軍司馬 輿司馬
行司馬 司勳 馬質 量人 小子
羊人 司燿 掌固 司隄 掌疆
候人 環人 挈壺氏 射人 服不氏
射鳥氏 羅氏 掌畜 司士 諸子
司右 虎賁氏 旅賁氏 節服氏
方相氏 大僕 小臣 祭僕 御僕

周禮白文目錄

夏官

大司馬 小司馬 軍司馬 輿司馬
行司馬 司勳 馬質 量人 小子
羊人 司燿 掌固 司隄 掌疆
候人 環人 挈壺氏 射人 服不氏
射鳥氏 羅氏 掌畜 司士 諸子
司右 虎賁氏 旅賁氏 節服氏
方相氏 大僕 小臣 祭僕 御僕

隸僕 弁師 司甲 司兵 司戈 司斧
 司弓 矢 繕人 橐人 戎右 服齊右
 道右 大馭 戎僕 齊僕 士道 僕
 田僕 馭夫 校人 趣馬 巫馬 小
 牧師 庾人 圉師 職方氏 掌土方氏
 懷方氏 合方氏 訓方氏 形方氏
 山師 川師 籙師 匠人 擇人
 都司馬 文家司馬

周禮

夏官

司馬

惟王建國 辨方正位 體國經野 設官分職
 以為民極 乃立夏官司馬 使帥其屬而掌
 邦政 以佐王 平邦國
 大司馬之職 掌建邦國之九法 以佐王 平
 邦國 制畿封國 以正邦國 設儀辨位 以等
 邦國 進賢興功 以作邦國 建牧立監 以維

伐

邦國制軍詰禁以糾邦國施貢令職以任
 邦國簡誓鄉民以用邦國均守平則以安
 邦國比小事大以和邦國以
 以九伐之法正邦國馮弱犯寡則責之賊
 賢害民則伐之暴內陵外則壇之野荒民
 散則削之負固不服則侵之賊殺其親則
 正之放弑其君則殘之犯令陵政則杜之
 外內亂鳥獸行則滅之正月之吉始和布

政于邦國都鄙乃縣政象之法于象魏使
 萬民觀政象挾日而歛之
 乃以九畿之籍施邦國之政職方千里曰
 國畿其外方五百里曰侯畿又其外方五
 百里曰甸畿又其外方五百里曰男畿又
 其外方五百里曰采畿又其外方五百里
 曰衛畿又其外方五百里曰蠻畿又其外
 方五百里曰夷畿又其外方五百里曰鎮

畿又其外方五百里曰蕃畿
 凡令賦以地與民制之凡上地食者參之
 二其民可用者家三人中地食者半其民
 可用者二家五人下地食者參之一其民
 可用者家二人
 中春教振旅司馬以旗致民平列陳如戰
 之陳辨鼓鐸鑼鏡之用王執路鼓諸侯執
 賁鼓軍將執晉鼓師帥執提旅帥執鼙卒

帥

長執鏡兩司馬執鐸公司馬執鑼以教坐
 作進退疾徐疏數之節遂以蒐田有司表
 貉誓民鼓遂圍禁火弊齎禽以祭社
 中夏教菱舍如振旅之陳羣吏撰車徒讀
 書契辨號名之用師以門名縣鄙各以其
 名家以號名鄉以列名野以邑名百官各
 象其事以辨軍之夜事其他皆如振旅遂
 以蒐田如蒐之法車弊齎禽以享約

中秋教治兵，如振旅之陳，辨旗物之用。王
 載大常，諸侯載旂，軍吏載旗，師都載旛，鄉
 遂載物，郊野載旒，百官載旗，各書其事，與
 其號焉。其他皆如振旅，遂以獮田，如蒐田
 之法，羅弊獻禽，以祀枋。
 中冬，教大閱，前期，羣吏戒衆，蒞脩戰法。虞
 人萊所田之野，為表百步，則一為三表，又
 五十步為一表。田之日，司馬建旗于後表。

之中，羣吏以旗物，鼓鐸鐃，各帥其民而
 致，贊朔，弊旗，誅後至者。乃陳車徒，如戰之
 陳，皆坐。羣吏聽誓于陳前，斬牲以左右。狗
 陳曰：不用命者，斬之。中軍以鼙令鼓，鼓入
 三鼓，司馬振鐸，羣吏作旗，車徒皆作鼓行。
 鳴鐃，車徒皆行。及表，乃止。三鼓，振鐸，羣吏
 弊旗，車徒皆坐。又三鼓，振鐸，作旗，車徒皆
 作鼓進。鳴鐃，車徒趨。及表，乃止。坐，作如

初乃鼓車馳徒走及表乃止鼓戒三闕車
三發徒三刺乃鼓退鳴鏡且卻及表乃止
坐作如初
遂以狩由以旌為左右和之門羣吏各帥
其車徒以叙和出左右陳車徒有司平之
旗居卒間以分地前後有屯百步有司巡
其前後險野人為主易野車為主既陳乃
設驅逸之車有司表貉于陳前中軍以鼙

令鼓鼓人皆三鼓羣司馬振鐺車徒皆作
遂鼓行徒銜枚而進大獸公之小禽私之
獲者取左耳及所弊鼓皆駢車徒皆譟徒
乃弊致禽饁獸于郊入獻禽以享烝
及師大合師以行禁令以救無辜伐有罪
若大師則掌其戒令涖大士帥執事涖釁
主及軍器及致建大常比軍衆誅後至者
及戰巡陳賦事而賞罰若師有功則左執

律右秉鉞以先愷樂獻于杜若師不功則
厭而奉主車カチワタ

王弔勞士庶子則相大役與慮事屬其植

受其要以待考而賞誅大會同則帥士庶

子而掌其政令若大射則合諸侯之六耦

大祭祀饗食羞牲魚授其祭大喪平士大

夫喪祭奉詔馬牲六キリツク

小司馬之職掌註此下字脫滅禮爛文

無識其數者

凡小祭祀會同饗射師田喪紀掌其事如

大司馬之法

軍司馬關

輿司馬關

行司馬關

司勳掌六鄉賞地之法以等其功王功曰

勳國功曰功民功曰庸事功曰勞治功曰

力戰功曰多凡有功者銘書于王之太常
祭於大烝司勳詔之大功司勳藏其貳掌
賞地之政令凡賞無常輕重賦功凡頒賞
地參之一食唯加由無國正

馬質掌質馬馬量三物一曰戎馬二曰甲
馬三曰駑馬皆有物賈綱惡馬凡受馬於
有司者書其齒毛與其價馬死則甸之內
更甸之外入馬耳以其物更其外否馬及

行則以任齊其行若有馬訟則聽之禁原
蠶者凡蠶者

量入掌建國之法以分國為九列營國城
郭營后宮量其市朝道巷門渠造都邑亦
如之營軍之壘舍量其市朝列涂軍社之
所里邦國之地與天下之涂數皆書而藏
之
凡祭祀饗賓制其從獻脯燔之數量掌喪

祭奠竈之俎賓凡宰祭與鬻人受肆歷而皆飲之

小字掌祭祀羞羊肆羊殺肉豆而掌珥于

社稷祈于五祀凡沈辜候禳飾其牲豐邦

器及軍器凡師由斬牲以左右狗陳祭祀

贊羞受徹焉

羊人掌羊牲凡祭祀飾羔祭祀割羊牲登

其首凡祈禘共其羊牲賓客共其法羊凡

沈辜候禳豐積共其羊牲若牧人無牲則

受布于司馬僕其賈買牲而共之

司燿掌行火之政令四時變國火以救時

疾季春出火民咸從之季秋內火民亦如

之時則施火令凡祭祀則祭燿凡國失火

野焚萊則有刑罰焉

掌固掌修城郭溝池樹渠之固頒其士庶

子及其衆庶之守設其飾器分其財用均

其稍食任其萬民用其財器凡守者受法焉以通守政有移甲與其役財用唯是得通與國有司帥之以贊其不足者晝三巡之夜亦如之夜三鑿以號戒若造都邑則治其固與其守法凡國都之竟有溝樹之固郊亦如之民皆有職焉若有山川則因之司險掌九州之圖以周知其山林川澤之

阻而達其道路設國之五溝五涂而樹之林以為阻固皆有守禁而達其道路國有故則藩塞阻路而止行者以其屬守之唯有節者達之掌疆關侯人各掌其方之道治與其禁令以設侯人若有方治則帥而致于朝及歸送之於竟

環人掌致師察軍憲環四方之故處邦國
搏謀賊訟敵國揚軍旅降圍邑
挈壺氏掌挈壺以令軍井挈轡以令舍挈
番以令糧凡軍事縣壺以序聚擻凡喪縣
壺以代哭者皆以水火守之分以日夜及
冬則以火爨鼎水而沸之而沃之
射人掌國之三公孤卿大夫之位三公北
面孤東南卿大夫西南其摯三公執璧孤

執皮帛卿執羔大夫鴈諸侯在朝則皆北
面詔相其法若有國事則掌其戒令詔相
其事掌其治遠以射法治射儀王以六耦
射三侯三獲三容樂以騶虞九節五正諸
侯以四耦射二侯二獲二容樂以貍首七
節三正孤卿大夫以三耦射一侯一獲一
容樂以采蘋五節二正士以三耦射豳侯
一獲一容樂以采芣五節二正

若王大射則以貍步張三侯王射則令去
侯立于後以矢行告卒令取矢祭侯則為
位與大史數射中佐司馬治射正祭祀則
贊射牲相孤卿大夫之法儀會同朝覲作
大夫介凡有爵者大師令有爵者乘王之
倅車有大賓客則作卿大夫從戒大史及
大夫介大喪與僕人遷尸作卿大夫掌事
此其廬不敬者苛罰之

服不氏掌養猛獸而教擾之凡祭祀共獐
獸賓客之事則抗皮射則贊張侯以旌居
之而待獲
射鳥氏掌射鳥祭祀以弓矢毆鳥為凡賓
客會同軍旅亦如之射則取矢矢在侯高
則以并夾取之
羅氏掌羅鳥鳥蜡則作羅襦中春羅春鳥
獻鳩以養國老行羽物

掌畜下養鳥テ而阜蕃ニ教ハ擾ニ之上祭祀共ニ卵鳥
歲時テ貢鳥物ヲ共膳獻之鳥ヲ
司士ハ掌群臣之版ヲ以治其政ヲ令歲登ニ下其
損益之數辨其年歲與其貴賤周知邦國
都家縣鄙之數卿大夫士庶子之數以詔
王治ヲ以德詔爵ヲ以功詔祿ヲ以能詔事ヲ以久
奠食唯賜無常正朝儀之位辨其貴賤之
等王南鄉ニ三公北ニ向東上ス孤東面北上ス卿

大夫西面北上ス王族故士虎士ハ在路門之
右南面東上ス大僕大右大僕從者在路門
之左南面西上ス司士擯孤卿特揖大夫以
其等旅揖士旁三揖王還揖門左揖門右
大僕前王入ニ內朝皆退掌國中ノ之士治凡
其戒令掌擯士者膳其摯凡祭祀掌士之
戒令詔相其法事及賜爵呼昭穆而進之
帥其屬而割牲羞俎豆凡會同係士從賓

客亦如之作士適四方使為介大喪作士
掌事作六軍之士執披九士之有守者令
哭無去守國有故則致士而頒其守九邦
國三歲則誓士任而進退其爵祿
諸子掌國子之倅掌其戒令與其教治辨
其等正其位國有大事則帥國子而致於
天子惟所用之若有兵甲之事則授之車
甲合其卒伍置其有司以軍法治之司馬

弗正九國正弗及大祭祀正六牲之體九
樂事正舞位授舞器大喪正羣子之服位
會同賓客作羣子從九國之政事國子存
遊倅使之脩德學道春合諸學秋合諸射
以教其藝而進退之
司右掌羣右之政令九軍旅會同合其車
之卒伍而比其乘屬其右九國之勇力之
士能用五兵者屬焉掌其政令

虎賁氏掌先後王而趨以卒佐軍旅會同
亦如之舍則守王闕王在國則守王宮國
有大故則守王門大喪亦如之及葬從遣
車而哭適四方使則從士大夫若道路不
通有徵事則奉書以使於四方
旅賁氏掌執戈省來王車而趨左八人右
八人車止則持輪九祭祀會同賓客則服
而趨喪紀則衰葛執戈省軍旅則介而趨

節服氏掌祭祀朝覲袞冕六人維王之木
常諸侯則四人其服亦如之郊祀袞冕二
人執戈送逆尸從車
方相氏掌蒙熊皮黃金四目玄衣朱裳執
戈揚者帥百隸而時難以索室殿廢大喪
先匱及墓入壙以戈擊四隅殿方良
大僕掌正王之服位出入王之大命掌諸
侯之復逆王眡朝則前正位而退入亦如

之建路鼓于大寢之門外而掌其政以待
達窮者與遽令聞鼓聲則速逆御僕與御
喪子祭祀賓客喪紀正王之服位詔法儀
贊王牲事王出入則自左馭而前驅凡軍
旅田役贊王鼓救日月亦如之大喪始崩
戒鼓傳達于四方窆亦如之縣喪首服之
法于宮門掌三公孤卿之弔勞王燕飲則
相其法王射則贊弓矢王眠燕朝則正位

掌擯相王不眠朝則辭于三公及孤卿
小臣掌王之小命詔相王之小法儀掌三
公及孤卿之復逆正王之燕服位王之燕
出入則前驅大祭祀朝覲沃盥小祭祀
賓客饗食賓射掌事如大僕之法掌士木
夫之弔勞凡大事佐大僕
祭僕掌受命于王以眠祭祀而警戒祭祀
有司糾百官之戒具既祭帥羣有司而各

命以王命勞之誅其不敬者大喪復于小
 廟九祭祀王之所不與則賜之禽都家亦
 如之九祭祀致福者展而受之
 御僕掌羣吏之逆及庶民之復與其弔勞
 大祭祀相盥而登大喪持翬掌王之燕令
 以序守路鼓
 隸僕掌五寢之埽除糞洒之事祭祀修寢
 王行洗乘名掌蹕官中之事大喪復于小

寢大寢

弁師掌王之五冕皆玄冕朱裏延紐五采
 纁十有二就皆五采玉十有二玉笄朱紘
 諸侯之纁旒九就璫玉三采其餘如王之
 事纁旒皆就玉璫玉笄王之皮弁會五采
 玉璫象邸玉笄王之弁經而加環經諸侯
 及孤卿大夫之冕章弁皮弁弁經各以其
 等為之而掌其禁令

司甲闕

司兵掌五兵五者各辨其物與其等以待
 軍事及授兵從司馬之法以領之及其受
 兵輸亦如之及其用兵亦如之祭祀授舞
 者兵大喪齋五兵軍事建車之五兵會同
 亦如之
 司戈者掌戈者之物而領之祭祀授旅賁
 及故士戈者授舞者兵亦如之軍旅會同

授貳車戈者建乘車之戈者授旅賁及虎
 士戈者及舍設藩者行則斂之
 司弓矢掌六弓四弩八矢之法辨其名物
 而掌其守藏與其出入中春獻弓弩中秋
 獻矢箠及其領之王弓弧弓以授射甲革
 楛質者夾弓庾弓以授射豸侯鳥獸者唐
 弓大弓以授學射者使者勞者其矢箠皆
 從其弓九弩夾庾利攻守唐以利車戰野

戰凡矢狂矢繫矢利火射用諸守城車戰
殺矢鏃矢用諸近射田獵增矢第矢用諸
弋射恒矢庫矢用諸散社
天子之弓合九而成規諸侯合七而成規
大夫合五而成規士合三而成規句者謂
之弊弓凡祭祀共射牲之弓矢澤共射楛
質之弓矢大射燕射共弓矢如數并大
喪共明弓矢凡師役會同頒弓矢各以其

物從授兵甲之儀田弋充籠箠矢共矰矢
凡亡矢者弗用則更
繕人掌王之用弓弩矢箠矰弋扶拾掌詔
王射贊王弓矢之事凡乘車充其籠箠載
其弓弩既射則斂之無會計
橐人掌受賂于職金以齎其工弓六物為
三等弩四物亦如之矢八物皆三等箠亦
如之春獻素秋獻成書其等以饗工乘其

周禮

百三十一

事試其弓弩以上下其食而誅賞乃入功
于司弓矢及繕人凡癘財與其中入皆在
橐人以待會而考之士者闕之
戎右掌戎車之兵革使詔贊王鼓傳王命
於陳中會同充革車盟則以王敦辟盟遂
役之贊牛耳桃茹
齊右掌祭祀會同賓客前齊車王乘則持
馮行則陪乘凡有牲事則前馮

道右掌前道車王出入則持馬陪乘如齊
車之儀自車上諭命于從車詔王之車儀
王式則下前馬王下則以蓋從
大馭掌馭王路以祀及犯較王自左馭
下祀登受轡犯較遂驅之及祭酌僕僕左
執轡右祭兩軹祭軌乃飲凡馭路行以肆
夏趨以采薺凡馭路儀以鷺和為節
戎僕掌馭戎車掌王倅車之政正其服犯

駟如王路之儀九巡守及兵車之會亦如之掌九戎車之儀

齊僕掌馭金路以賓朝覲宗遇饗食皆乘

金路其法儀各以其等為車送逆之節

道僕掌馭象路以朝夕燕出入其法儀如

齊車掌馭車之政令

田僕掌馭田路以田以鄙掌佐車之政設

驅逆之車令獲者植旌及獻比禽九田王

提馬而走諸侯晉大夫馳

馭夫掌馭載車從車使車分公馬而駕治

之校人掌王馬之政辨六馬之屬種馬一物

戎馬一物齊馬一物道馬一物田馬一物

駟馬一物九頒良馬而養乘之乘馬一師

四圍三乘為阜阜一趣馬三阜為繫繫一

馭夫六繫為旆旆一僕夫六旆成校校有

左右駕馬三良馬之數麗馬一國八麗一
 師八師一趣馬八趣馬一馭夫天子十有
 二閑馬六種邦國六閑馬四種家四閑馬
 二種
 凡馬特居四之一春祭馬祖執駒夏祭先
 牧領馬攻特秋祭馬社臧僕冬祭馬步獻
 馬講馭夫凡大祭祀朝覲會同毛馬而領
 之飾幣馬執朴而從之凡賓客受其幣馬

大喪飾遺車之馬及葬埋之田獵則自驅
 逆之車凡將事于四海山川則飾黃駒凡
 國之使車共其幣馬凡軍事物馬而領之
 等馭夫之祿官中之稍食
 趣馬掌贊正良馬而齊其飲食簡其六節
 掌駕說之領辨四時之居治以聽馭夫
 巫馬掌養疾馬而乘治之相醫而藥攻馬
 疾受財于校人馬死則使其糞粥之入其

布于校人

牧師掌牧地皆有屬禁而領之孟春焚牧

中春通淫掌其政令凡田事贊焚萊

復人掌十有二閑之政教以阜馬佚特教

駝攻駒及祭馬祖祭閑之先牧及執駒散

馬身圍馬正校人員選馬八尺以上為龍

七尺以上為駉六尺以上為馬

圉師掌教圉人養馬春除孳豐既始牧夏

牙馬冬獻馬射則充稭質埃墻則剪鬮

圉人掌養馬芻牧之事以役圉師凡賓客

喪紀牽馬而入陳齋馬亦如之

職方氏掌天下之圖以掌天下之地辨其

邦國都鄙四夷八蠻七閩九貉五戎六狄

人民與其財用九穀六畜之數要周知其

利害乃辨九州之國使同貫利

東南曰揚州其山鎮曰會稽其澤藪曰具

區其川三江其浸五湖其利益錫竹箭其
 民二男五女其畜宜鳥獸其穀宜稻
 正南曰荊列其山鎮曰衡山其澤藪曰雲
 菁其川江漢其浸潁潁其利丹銀齒革其
 民一男二女其畜宜鳥獸其穀宜稻
 河南曰豫列其山鎮曰華山其澤藪曰圃
 田其川滎雒其浸波澨其利林漆絲枲其
 民二男三女其畜宜六擾其穀宜五種

正東曰青列其山鎮曰沂山其澤藪曰望
 諸其川淮泗其浸沂沐其利蒲魚其民二
 男二女其畜宜雞狗其穀宜稻麥
 河東曰兖列其山鎮曰岱山其澤藪曰大
 野其川河洙其浸盧維其利蒲魚其民二
 男三女其畜宜六擾其穀宜四種
 正西曰雍列其山鎮曰嶽山其澤藪曰弦
 蒲其川涇汭其浸渭洛其利玉石其民三

男二女其畜宜牛馬其穀宜黍稷
 東北曰幽州其山鎮曰醫無閭其澤藪曰
 騶養其川河澚其浸菑時其利魚鹽其民
 一男三女其畜宜四擾其穀宜三種
 河內曰冀州其山鎮曰霍山其澤藪曰楊
 紆其川漳其浸汾潞其利松柏其民五男
 三女其畜宜牛羊其穀宜黍稷
 正北曰并州其山鎮曰恒山其澤藪曰昭

餘祁其川庫池嘔夷其浸涑易其利布帛
 其民二男三女其畜宜五擾其穀宜五種
 乃辨九服之邦國方千里曰王畿其外方
 五百里曰侯服又其外方五百里曰甸服
 又其外方五百里曰男服又其外方五百
 里曰采服又其外方五百里曰衛服又其
 外方五百里曰蠻服又其外方五百里曰
 夷服又其外方五百里曰鎮服又其外方

五百里曰藩服
 九邦國千里封公以方五百里則四公方
 四百里則六侯方三百里則十伯方二
 百里則二十五子方百里則百男以周知
 天下
 凡邦國小大相維王設其牧制其職各理
 其所能制其貢各以其所有王將巡守則
 戒于四方曰各修平乃守考乃職事無敢

不敬戒國有大刑及王之所行先道帥其
 屬而巡戒令王殷國亦如之
 土方氏掌土圭之法以致日景以土地相
 宅而建邦國都鄙以辨土宜土化之法而
 授任地者王巡守則樹王舍
 懷方氏掌來遠方之民致方貢致遠物而
 送逆之達之以節治其委積館舍飲食
 合方氏掌達天下之道路通其財利同其

數器壹其度量除其怨惡同其好善
訓方氏掌道四方之政事與其上下之志
誦四方之傳道正歲則布而訓四方而觀
新物
形方氏掌制邦國之地域而正其封疆無
有華離之地使小國事大國大國比小國
山師掌山林之名辨其物與其利害而領
之于邦國使致其珍異之物

川師掌川澤之名辨其物與其利害而領
之于邦國使致其珍異之物
邊師掌四方之地名辨其丘陵墳衍遠隰
之名物之可以封邑者
匡人掌達法則匡邦國而觀其憲使無敢
及側以聽王命
擇人掌誦王志道國之政事以巡天下之
邦國而語之使萬民和說而正王面

都司馬掌都之士庶子及其衆庶車馬兵
甲之戒令以國法掌其政學以聽國司馬
家司馬亦如之

周禮夏官終

進上
卷之六

